

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ՀՀ ՀԱՐԿԱՅԻՆ ՕՐԵՆՍՊՐՔԻ
ՓՈՓՈԽՈՒԹՅՈՒՆՆԵՐՈՎ ՊԱՅՄԱՆԱՎՈՐՎԱԾ ՀՀ ՊԵԿ-ՈՒՄ ՆՈՐ
ԵՆԹԱՀԱՄԱԿԱՐԳԵՐԻ ԾՐԱԳՐԱՅԻՆ ԱՊԱՀՈՎՄԱՆ ԻՐԱԿԱՆԱՑՄԱՆ
ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ
ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ
N ՊԵԿ-ՀՐՄ-ԾՁԲ-19/2**

ք.Երևան

«22» հոկտեմբերի 2019թ.

ՀՀ պետական եկամուտների կոմիտեն, ի դեմս ՀՀ պետական եկամուտների կոմիտեի գլխավոր քարտուղար Է.Գևորգյանի, որը գործում է ՀՀ պետական եկամուտների կոմիտեի կանոնադրության հիման վրա (այսուհետև՝ Պատվիրատու), մի կողմից, և «Այյունեթվորքս» ՍՊԸ-ն, ի դեմս Ընկերության տնօրեն Վ.Մերանգույանի (այսուհետև՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է ՀՀ Հարկային օրենսգրքի փոփոխություններով պայմանավորված ՀՀ ՊԵԿ-ում նոր ենթահամակարգերի ծրագրային ապահովման իրականացման ծառայությունների մատուցման պարտավորությունը (այսուհետև՝ ծառայություն)՝ համաձայն սույն պայմանագրի (այսուհետև՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 2.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 2): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա ծառայության գինը կազմում է **98 637 768 (Ինսուսույթ միլիոն վեց հարյուր երեսունյոթ հազար յոթ հարյուր վաթսուներկու) ՀՀ դրամ**, ներառյալ ԱԱՀ-ն:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի 7.13 կետով նախատեսված կնքվելիք համաձայնագրի վճարման ժամանակացույցով նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՌԻՏԻ ԱԶԴԵՑՈՒԹՅՈՒՆ (ՖՈՐՍ-ՄԱՃՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի

Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը, իսկ Կատարողի առաջարկությունը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.10 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն պայմանագիրը կազմված է 15 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2 և N 2.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

7.13 Պայմանագրով նախատեսված ծառայությունների մատուցումն իրականացվում է այդ նպատակով ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման միջոցով: Պայմանագիրը լուծվում է, եթե այն կնքելու օրվան հաջորդող վեց ամսվա ընթացքում այդ նպատակով պայմանագրի կատարման համար ֆինանսական միջոցներ չեն նախատեսվում: Եթե պայմանագրի կատարման համար հատկացված ֆինանսական միջոցների չափը գերազանցում է գնումների բազային միավորի յոթանասունապատիկը, ապա Պատվիրատուի կողմից համաձայնագիր կկնքվի, եթե Կատարողի կողմից տուժանքի ձևով ներկայացված պայմանագրի ապահովումը՝ նախատեսված ֆինանսական միջոցների չափով, փոխարինվում է բանկային երաշխիքով կամ կանխիկ փողով՝ հաշվի առնելով ՀՀ կառավարության 2017 թվականի մայիսի 4-ի N 526-Ն որոշման N 1 հավելվածի 32-րդ կետի 18-րդ ենթակետի «բ» պարբերության պահանջները: Ընդ որում, Կատարողը համաձայնագիրը կնքում, իսկ

տուժանքի ձևով ներկայացված պայմանագրի ապահովման փոխարինման դեպքում նաև նոր ապահովումը Պատվիրատուին ներկայացնում է համաձայնագիր կնքելու ծանուցումը ստանալու օրվանից տասնհինգ աշխատանքային օրվա ընթացքում: Հակառակ դեպքում պայմանագիրը Պատվիրատուի կողմից միակողմանիորեն լուծվում է:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

ՀՀ պետական եկամուտների կոմիտե
ք.Երևան, Մովսես Խորենացու 3,7
ՀՀ ՖՆ աշխատակազմի
գործառնական վարչություն
900011054013
02647057
ՀՀ ՊԵԿ գլխավոր քարտուղար՝

Է.Գևորգյան



Կ Ա Տ Ա Ր ՈՂ

«Այյունեթվորքս» ՍՊԸ
ք. Երևան, Պուշկինի 38/1, 552.
«Կոնվերս բանկ» ՓԲԸ
1930042785480100
02588485
«Այյունեթվորքս» ՍՊԸ-ի տնօրեն՝

Վ.Մերանգույան



ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ*

CPV-72261110/501

**ՀՀ Հարկային օրենսգրքի փոփոխություններով պայմանավորված ՀՀ ՊԵԿ-ում նոր ենթահամակարգերի
ծրագրային ապահովման իրականացման ծառայություններ**

Նպատակը

ՀՀ ՊԵԿ-ում ՀՀ Հարկային օրենսգրքի փոփոխություններով պայմանավորված նոր ենթահամակարգերի
ծրագրային ապահովման աշխատանքների ծառայությունների իրականացում:

Մատուցվող ծառայությունների շրջանակ

1. Ապահովել ստորև նշված ենթահամակարգերի վերաբերյալ տեխնիկական առաջադրանքների կազմումը,
ծրագրավորումը, թեստավորումը, շահագործման հանձնումը և անխափան աշխատանքը՝
համապատասխանեցնելով ՀՀ ՊԵԿ-ից ստացված հանձնարարականներին, պահանջներին և օրենսդրական
փոփոխություններին, ինչպես նաև հարկային վարչարարության առանձին դրույթներին:

1. «Միկրոձեռնարկատիրության սուբյեկտ» նոր հասկացության ավելացում

2020թ. հունվարի 1-ից ներդրվում է միկրոձեռնարկատիրության համակարգ: Միկրո-
ձեռնարկատիրության համակարգի շրջանակներում առևտրային կազմակերպությունները և անհատ
ձեռնարկատերերը, իսկ օրենսգրքի N3 հավելվածով սահմանված գործունեության տեսակներ
իրականացնող անհատ ձեռնարկատեր չհամարվող ֆիզիկական անձինք ազատվում են ԱԱՀ-ով,
շահութահարկով և շրջանառության հարկով հարկումից: Ըստ այդմ, պետք է փոփոխություններ
կատարվեն և՛ Հարկատու 3 (այսուհետ Հ3), և՛ Հաշվետվությունների ներկայացման էլեկտրոնային
համակարգերում (այսուհետ ՀՆԷՀ): Կատարվելիք փոփոխություններն են՝

- 1.1. «Միկրոձեռնարկատիրության սուբյեկտ» համարվելու համար հարկ վճարողը պետք է ներկայացնի
հայտարարություն, այդ իսկ պատճառով էլ անհրաժեշտ է ծրագրավորել նոր փաստաթուղթ, որը հասանելի
կլինի և՛ Հ3 համակարգում, և՛ ՀՆԷՀ-ում: Հայտարարության մեջ պետք է հնարավոր լինի նշել թե որ
տարվանից է հարկ վճարողը ցանկանում համարվել «Միկրոձեռնարկատիրության սուբյեկտ»:
Հայտարարության գրանցման ժամանակ համակարգը պետք է ժամկետային ստուգումներ կատարի,
ինչպես նաև ստուգումներ կատարի պետական ռեգիստրի գրանցման ամսաթվի և ներկայացման
ամսաթվի միջև, դիտարկի հարկ վճարողի տեսակը, հարկման ռեժիմը, կարգավիճակը ըստ որի
համակարգը կստուգի արդյոք հարկ վճարողն իրավունք ունի հանձնել տվյալ հայտարարությունը թե ոչ:
- 1.2. «Միկրոձեռնարկատիրության սուբյեկտ»-ները պետք է հարկային մարմնին ներկայացնեն տարեկան
հաշվետվություն, այդ իսկ պատճառով էլ անհրաժեշտ է ծրագրավորել նոր փաստաթուղթ, որը հասանելի
կլինի և՛ Հ3 համակարգում, և՛ ՀՆԷՀ-ում: Հաշվետվության հանձման ժամանակ պետք է ստուգումներ
կատարվեն լրացված տվյալների ֆորմատների ճշտության վերաբերյալ: Ինչպես նաև պետք է ստեղծել
կապ ներկայացված հայտարարության (Կետ 1.1) և տարեկան հաշվարկի միջև՝ այսինքն՝ պետք է
ստուգում կատարել, որպեսզի հայտարարություն չներկայացրած հարկ վճարողին չթույլատրվի հանձնել
տարեկան հաշվարկը:

1.3. Հ3 համակարգի Հաշվետվություններ բաժնի տեղեկատվության հաշվետվություն ենթաբաժնում պետք է ավելացնել նոր փաստաթուղթ՝ Միկրոձեռնարկատիրության սուբյեկտի հաշվետվություն, որպեսզի հնարավոր լինի excel ձևաչափով արտածել Միկրոձեռնարկատիրության սուբյեկտի տարեկան հաշվետվության տվյալները:

1.4. Ֆիզիկական անձինք կարող են ներկայացնել «Անհատ ձեռնարկատեր չհանդիսացող ֆիզիկական անձի միկրոձեռնարկատիրության սուբյեկտ համարվելու վերաբերյալ հայտարարություն»: Սույն հայտարարությամբ հարկ վճարողը պետք է համարվի Միկրոձեռնարկատիրության սուբյեկտ (այնպես ինչպես 1.1 կետում նշված հայտարարության դեպքում): Այդ իսկ պատճառով էլ անհրաժեշտ է ծրագրավորել նոր փաստաթուղթ, որը հասանելի կլինի և՛ Հ3 համակարգում, և՛ ՀՆԷՀ-ում: Հայտարարության գրանցման ժամանակ համակարգը պետք է ժամկետային ստուգումներ կատարի, ինչպես նաև դիտարկի հարկ վճարողի տեսակը հարկման ռեժիմը, կարգավիճակը ըստ որի համակարգը կստուգի, արդյոք հարկ վճարողն իրավունք ունի հանձնել տվյալ հայտարարությունը թե ոչ: Ինչպես նաև հարկ վճարողը պետք է հնարավորություն ունենա հանձնել տվյալ հայտարարությունը միանգամից մի քանի տարվա համար:

1.5. Վերոնշյալ 2 փաստաթղթերի համար պետք է ՀՆԷՀ-ի «Հաշվետվություններ» բաժնում ստեղծել նոր ենթաբաժին՝ «Միկրոձեռնարկատիրության սուբյեկտ», որտեղ կցուցադրվեն այդ 2 հաշվետվությունները և իրենց գործողության ժամկետները:

1.6. Հարկատու 3 համակարգում առկա է Հարկման ռեժիմներ բաժին, որտեղ ընդգրկված են հետևյալ 4 ռեժիմներով հարկվող հարկ վճարողները՝

- ✓ ԱԱՀ վճարողներ
- ✓ Շրջանառության հարկ վճարողներ
- ✓ Ընտանեկան ձեռնարկատիրության սուբյեկտներ
- ✓ Այլ

Քանի որ ավելացել է նոր ռեժիմ «Միկրոձեռնարկատիրության սուբյեկտ», ապա Հարկման ռեժիմներ բաժնում պետք է ավելացնել նոր՝ 5-րդ ենթաբաժին՝ «Միկրոձեռնարկատիրության սուբյեկտ» անվանմամբ: Նոր ենթաբաժինը պետք է կատարի հետևյալ ֆունկցիաները՝

- ✓ Տվյալների որոնում
- ✓ Արդյունքների ցուցադրում
- ✓ Արդյունքների արտածում excel ձևաչափով
- ✓ Պատմության արտացոլում

1.7. «Միկրոձեռնարկատիրության սուբյեկտ» ենթաբաժնում (Կետ 1.5) տվյալ հարկ վճարողներին հավաքագրելու համար անհրաժեշտ է հարկման ռեժիմների ձևավորման մեխանիզմում դիտարկել նաև «Միկրոձեռնարկատիրության սուբյեկտ» համարվող հարկ վճարողներին: Այսինքն բոլոր այն հարկ վճարողները, որոնք կներկայացնեն վերոնշյալ 2 հայտարարություններից որևէ մեկը (Կետ 1.1, 1.4), պետք է ընդգրկվեն «Միկրոձեռնարկատիրության սուբյեկտ» ռեժիմում: Հարկման ռեժիմների ձևավորման մեխանիզմում պետք է հաշվի առնել նաև այն փաստը, որ հարկ վճարողը կարող է մի քանի տարվա համար հանձնել 1 հայտարարություն:

- 1.8. Քանի որ առկա են այլ հաշվետվական ձևեր, որոնց մեջ առկա է «ընտանեկան ձեռնարկատիրության սուբյեկտ»-ների վերաբերյալ նշումներ, անհրաժեշտ է բոլոր այդ հաշվետվական ձևերում այդ նշումները փոխարինել «Միկրոձեռնարկատիրության սուբյեկտ»-ով (օրինակ՝ ԱԱՀ վճարող համարվելու վերաբերյալ հայտարարություն):
- 1.9. Եկամտային հարկի և սոցիալական վճարի ամսական հաշվարկում պետք է ավելացնել նշում՝ համարվում եմ Միկրոձեռնարկատիրության սուբյեկտ, որը նշելուց հետո համակարգը պետք է ստուգում կատարի, եթե հարկ վճարողն ունի ներկայացրած Միկրոձեռնարկատիրության սուբյեկտ համարվելու վերաբերյալ հայտարարություն, ապա եկամտային հարկի դաշտը դարձնել խմբագրելի և թույլ տալ հարկ վճարողին լրացնել համապատասխան եկամտային հարկը:
- 1.10. Դատարանի վճռի և (կամ) գանգատարկման հանձնաժողովի ընդունած որոշումների հիման վրա հարկային պարտավորությունների և (կամ) դեբետային գումարների մնացորդների փոփոխությունների վերաբերյալ եզրակացության (զգ) 9-րդ բաժնում պետք է ավելացնել նոր ռեժիմ՝ «Միկրոձեռնարկատիրության սուբյեկտ», որում նշում կատարելու դեպքում, եզրակացության հանձնումից հետո համակարգը պետք է ԱԱՀ վճարողների ցանկից հանի տվյալ հարկ վճարողին և հնարավորություն ընձեռնի հանձնել Միկրոձեռնարկատիրության սուբյեկտ համարվելու վերաբերյալ հայտարարություն, առանց որևէ ժամկետային ստուգման:
- 1.11. Հարկ վճարողներ էջի «Տվյալներ»-ի բաժնում պետք է ավելացնել նոր հարկման ռեժիմ՝ «Միկրոձեռնարկատիրության սուբյեկտ», որում նշում կատարելու դեպքում, համակարգը պետք է ԱԱՀ վճարողների ցանկից հանի տվյալ հարկ վճարողին և հնարավորություն ընձեռնի հանձնել Միկրոձեռնարկատիրության սուբյեկտ համարվելու վերաբերյալ հայտարարություն, առանց որևէ ժամկետային ստուգման:
- 1.12. Քանի որ հարկման ռեժիմների փոփոխությունների պատմության վերաբերյալ տեղեկատվություն է տրամադրվում այլ պետական կառույցների, այդ իսկ պատճառով էլ որոշ վեբ ծառայություններում պետք է կատարել փոփոխություններ՝ ավելացնել Միկրոձեռնարկատիրության սուբյեկտ նոր ռեժիմը: Փոփոխություններ պետք է կատարել հետևյալ կառույցների հետ տվյալների փոխանակման վեբ ծառայություններում
- ✓ ՀՀ ԱՆ ԴԱՀԿ
 - ✓ ՀՀ աշխատանքի և սոցիալական հարցերի նախարարության սոցիալական ապահովության պետական ծառայություն
 - ✓ ԱՔՌԱ

2. Պետական տուրք

2020թ. հունվարի 1-ից կազմակերպությունները և անհատ ձեռնարկատերերը Հայաստանի Հանրապետության տարածքում իրականացվող հետևյալ գործունեության տեսակներ իրականացնելու համար պետք է ներկայացնեն համապատասխան հայտարարություն, վճարեն պետական տուրք և ստանան արտոնագիր: Արտոնագիր ստանալու համար կազմակերպությունները և անհատ ձեռնարկատերերը պետք է յուրաքանչյուր ամսվա համար՝ մինչև այդ ամսվան նախորդող ամսվա վերջինը օրը ներառյալ բացառապես էլեկտրոնային եղանակով հարկային մարմին ներկայացնեն

վերոնշյալ գործունեությունն իրականացնելու վերաբերյալ հայտարարություն՝ նշված ժամկետում վճարելով նաև պետական տուրքի գումարները: Գործունեությունը նոր սկսելու դեպքում կազմակերպությունները և անհատ ձեռնարկատերերը Հայտարարությունը հարկային մարմին են ներկայացնում մինչև գործունեությունն իրականացնելու օրվան նախորդող օրը՝ անկախ այդ օրվա աշխատանքային կամ ոչ աշխատանքային օր լինելու հանգամանքից: Հայտարարություն ներկայացրած կազմակերպություններին և անհատ ձեռնարկատերերին հայտարարությունում նշված գործունեության տեսակի մասով հարկային մարմինը էլեկտրոնային եղանակով տրամադրում է արտոնագիր: Տվյալ փոփոխության ծրագրային ապահովումը կատարելու համար անհրաժեշտ է փոփոխություններ իրականացնել Հ3 և ՀՆԷՀ համակարգերում:

2.1. Պետք է ստեղծել նոր հայտարարության ձև, որը հասանելի կլինի և՛ Հ3 համակարգում, և՛ ՀՆԷՀ-ում: Հայտարարության մեջ հարկ վճարողը պետք է հնարավորություն ունենա լրացնել թե որ ժամանակաշրջանի դեպքում է հարկվելու պետական տուրքով, որ գործունեության տեսակի համար: Հայտարարության գրանցման ժամանակ համակարգը պետք է կատարի ստուգումներ, մասնավորապես ներկայացված են մի քանի ստուգումներ

- ✓ Պետք է կատարել հայտարարության հանձման ժամկետային ստուգումներ
- ✓ Հարկ վճարողը պետք է հնարավորություն ունենա 2-րդ և ավելի անգամ հայտարարություն ներկայացնելու ժամանակ նվազեցնել կամ ավելացնել ելակետային տվյալները:
- ✓ Այն դեպքում, երբ հարկ վճարողն ընտրել էր Ավտոբուսով ուղևորափոխադրում գործունեության տեսակը, ապա հաջորդ հայտարարության ներկայացման ժամանակ, հարկ վճարողը պետք է հնարավորություն ունենա կատարել ավտոբուսի փոփոխություն: Սակայն պետք է հաշվի առնել, որ նստատեղերի քանակը չպետք է ավել լինի նախորդ հայտարարությունում ներկայացված քանակից
- ✓ Հայտարարության հանձնումից հետո համակարգը պետք է հայտարարությունից բացի գեներացնի նաև արտոնագրի ՊԴՖ

2.2. ՀՆԷՀ-ում պետք է ավելացնել նոր բաժին՝ «Պետական տուրք», որը պետք է կատարի հետևյալ ֆունկցիաները

- ✓ Տվյալների որոնում
- ✓ Արդյունքների ցուցադրում

2.3. Հ3 համակարգի «Փաստաթղթեր»-ում պետք է ավելացնել նոր բաժին՝ «Պետական տուրքի գրանցամատյան», որը բաղկացած կլինի 2 ենթաբաժնից՝ որը կունենա 2 ենթաբաժին՝ «Պետական տուրքի գրանցամատյան» և «Ինքնազբաղվածների պետական տուրք», որը կկատարի հետևյալ ֆունկցիաները

- ✓ Տվյալների որոնում
- ✓ Արդյունքների ցուցադրում
- ✓ Արդյունքների արտածում excel ձևաչափով

«Ինքնազբաղվածների պետական տուրք» ենթաբաժնում պետք է ցուցադրվեն «Անհատ ձեռնարկատեր չհանդիսացող ֆիզիկական անձի միկրոձեռնարկատիրության սուբյեկտ համարվելու վերաբերյալ հայտարարության» արդյունքում ձևավորված արտոնագրերը:

- 2.4. Պետք է ստեղծել նոր հարկատեսակ՝ «Պետական տուրք», որի մարումները կատարվելու են ոչ թե միասնական հաշվով, այլ առանձին հաշվեհամարով:
- 2.5. Պետական տուրք հարկատեսակի ավելացման հետևանքով պետք է կատարել փոփոխություն, որը ազդեցություն կթողնի Հ3 համակարգի ստորև նշված էջերում
- 2.5.1. ԱՀՔ ենթահամակարգում պետք է կատարել հետևյալ փոփոխությունները
- Ավելացնել պետական տուրք և պետական տուրք 10% հարկատեսակների անձնական հաշվի քարտեր, որոնք պետք է գործեն սկսած սահմանված ամսաթվից:
 - Իրականացնել համապատասխան հայտարարության, վճարման փաստաթղթի և ստուգման ակտի Փոստինգի գործառույթները:
 - Սահմանել տույժերի հաշվարկման, ճշգրտման, ջնջելու մեխանիզմները:
 - Նախատեսել պարտավորությունների ավելացում և պակասեցում, գերավճարի պակասեցում և ավելացում գործողությունների իրականացումը «ԱՀՔ տվյալների մշակում» էջում:
 - Նախատեսել հաշվանցում և վերադարձ գործողությունների իրականացումը ԱՀՔ հաշվանցում/վերադարձ էջում:
 - Իրավական վարույթների համակարգում դիտարկել տվյալ հարկատեսակը
 - Ավելացնել նշված հարկատեսակները հետևյալ էջերում
 - Հ3-ի ԱՀՔ (31.12.2017թթ)-ԱՀՔ դիտում էջում
 - Հ3-ի Հաշվետվություններ/ԱՀՔ մնացորդը/ԱՀՔ մնացորդը մինչև 31.12.2017թթ էջում
 - Հ3-ի Ապառքացուցակի հաշվետվություն 31.12.2017թթ էջում
 - ՀՆԷՀ հարկային պարտավորությունների բաժնում
- 2.6. Գանձապետարանի հետ հարկերի մարման հետ կապված տվյալների փոխանակման վեր ծառայությունում պետք է դիտարկել նաև «պետական տուրք» նոր հարկատեսակը:
- 2.7. Ստուգման ակտում պետք է դիտարկել «պետական տուրք» նոր հարկատեսակը:
- 2.8. Որոշ այլ փաստաթղթերում կկատարվեն փոփոխություններ, քանի որ այդ հաշվետվություններում առկա են արտոնագրային հարկին վերաբերող տողեր, նշումներ, որոնք պետք է հեռացնել կամ փոխարինել պետական տուրքով:

3. ԱԱՀ հաշվարկի ձևի փոփոխություն

ԱԱՀ հաշվարկի ձևում իրականացվել են որոշ փոփոխություններ, որի հետևանքով անհրաժեշտ է ստեղծել նոր հաշվարկի ձև (նոր doc code): Հաշվարկում անհրաժեշտ է իրականացնել հետևյալ փոփոխությունները

- Նոր աղյուսակի ավելացում՝ «Եկամուտները՝ ըստ գործունեության տեսակների»: Աղյուսակի ճիշտ լրացումն ապահովելու համար պետք է ավելացնել նոր ստուգումներ,
- Տվյալ աղյուսակում լրացված տվյալները պետք է արտացոլվեն նաև Հ3 համակարգի հարկ վճարողներ էջի «Ոլորտ» բաժնում,
- Ակցիզային հարկի հաշվարկման աղյուսակից որոշ սյունների հեռացում,
- Ակցիզային հարկի հաշվարկման բանաձևերի փոփոխություն (որը պետք է իրականացնել նաև ԵՏՄ հայտարարագրերում):

- Հ3 համակարգի «Հաշվետվություններ» բաժնի «Տեղեկատվության հաշվետվություն» ենթաբաժնում պետք է դիտարկել հաշվարկի փոփոխված տվյալները:

4. Նոր հայտարարություն՝ «Հանրային սննդի ոլորտում գործունեություն իրականացնելու համար շրջանառության հարկ վճարող համարվելու վերաբերյալ հայտարարություն»:

Հանրային սննդի ոլորտում աշխատող հարկ վճարողների համար ստեղծվել է նոր հայտարարություն, որը հարկ վճարողները կարող են հանձնել էլեկտրոնային եղանակով: Ըստ այդմ պետք է փոփոխություններ կատարվեն և՛ Հ3, և՛ ՀՆԷՀ համակարգերում, որի համար անհրաժեշտ է՝

- Նոր հայտարարության ավելացում ՀՆԷՀ –ում և Հ3-ում (նոր doc code), որում պետք է ընդգրկվեն ստուգումներ ժամկետների և հարկման ռեժիմների հետ կապված,
- Հարկման ռեժիմների ձևավորման մեխանիզմում պետք է դիտարկել նաև տվյալ հայտարարությունը, այսինքն՝ եթե հարկ վճարողը ներկայացնում է տվյալ հայտարարությունը, ապա պետք է համարվի շրջանառության հարկ վճարող (հանրային սննդի ոլորտում)
- Հարկման ռեժիմների էջում պետք է դիտարկել նաև տվյալ հայտարարությունը, ռեժիմների փոփոխության պատճառները հստակ ձևավորելու համար:
- Հարկ վճարողը կարող է տարվա ընթացքում հանձնել տվյալ հայտարարությունը, նույնիսկ եթե հանդիսանում է ԱԱՀ վճարող, հետևաբար պետք է ԱԱՀ վճարողների ցանկից հեռացնել տվյալ հարկ վճարողին: Համակարգում պետք է նախատեսել նոր գործառույթ, ըստ որի հարկ վճարողը կարող է տարվա ընթացքում դուրս գալ ԱԱՀ վճարողների ցանկից:
- Շրջանառության հարկի հաշվարկում պետք է ավելացնել ստուգում, ըստ որի հարկ վճարողը պետք է կարողանա հանձնել հաշվարկը, եթե տվյալ տարվա համար ներկայացրել է «Հանրային սննդի ոլորտում գործունեություն իրականացնելու համար շրջանառության հարկ վճարող համարվելու վերաբերյալ հայտարարություն»:

5. Սոցիալական վճարի հավարկման դրույքաչափերի փոփոխություն

Ըստ նոր օրենսգրքի 2021թ. համար սոցիալական վճարը հաշվարկվելու է 3.5 տոկոս դրույքաչափով, եթե աշխատավարձի ամսական չափը չի գերազանցում 500 000 դրամը, իսկ եթե աշխատավարձի ամսական չափը գերազանցում է 500 000 դրամը, ապա սոցիալական վճարը հաշվարկվելու է 10 տոկոսի և 32500 դրամի տարբերության չափով (որի դեպքում կատարվող կուտակային հատկացումների և այդ անձանց եկամուտներից հաշվարկված և փոխանցված (գանձված) սոցիալական վճարի տարբերությունը չի կարող գերազանցել ամսական 32500 դրամը): 2022թ. համար սոցիալական վճարը հաշվարկվելու է 4.5 տոկոս դրույքաչափով, եթե աշխատավարձի ամսական չափը չի գերազանցում 500 000 դրամը, իսկ եթե աշխատավարձի ամսական չափը գերազանցում է 500 000 դրամը, ապա սոցիալական վճարը հաշվարկվելու է 10 տոկոսի և 27500 դրամի տարբերության չափով (որի դեպքում կատարվող կուտակային հատկացումների և այդ անձանց եկամուտներից հաշվարկված և փոխանցված (գանձված) սոցիալական վճարի տարբերությունը չի կարող գերազանցել ամսական 27500 դրամը):

Վերոնշյալից ելնելով համակարգում պետք է իրականացնել հետևյալ փոփոխությունները

- Համակարգում պետք է նախատեսել սոցիալական վճարի հաշվարկման նոր բանաձևեր, որի հետևանքով սոցիալական վճարի հաշվարկման մեխանիզմում պետք է ավելացնել նոր հոսք , որը պետք է իրականցվի մյուս հոսքերին զուգահեռ:
- Նման փոփոխությունը ազդեցություն կունենա նաև ՀԿԴ-ի հետ տվյալների փոխանակման մոդուլի վրա: Յուրաքանչյուր հոսքի համար ձևավորվում է սոցիալական վճարի առավելագույն սահմանաչափը հաշվարկող, տվյալները հավաքագրող և տվյալները ՀԿԴ ուղարկող մեխանիզմ, և յուրաքանչյուր սոցիալական վճարի դրույքաչափի փոփոխության դեպքում պետք է հաշվի առնել մյուս հոսքերը, նաև պահպանելով՝ սոցիալական վճարի առավելագույն սահմանաչափը և ՀՏԳ-ները:
- Դրույքաչափի փոփոխությունը ազդեցություն է ունենալու նաև տարեկան սոցիալական վճարի հաշվարկման մեխանիզմի վրա, քանի որ դրույքաչափը փոփոխվում է սոցալական վճարի ամսական հոսքում, իսկ տարեկան հոսքի դրույքաչափը մնում է նույնը, սակայն տարեկան կտրվածքով առավելագույն սահմանաչափը հաշվակվում է ըստ ամսական վճարված և տարեկան վճարված սոցիալական վճարների գումարների հիման վրա:
- Վերոնշյալ փոփոխությունը ազդեցություն կունենա հետևյալ մոդուլների վրա
 - ✓ ՀԿԴ-ի հետ տվյալների փոխանակման մոդուլի
 - ✓ Տվյալների սուբյեկտներ մոդուլ
 - ✓ ԱՀ քաղվածի մոդուլ
 - ✓ ԱՀՏՊ մոդուլ
- Պետք է փոփոխություններ կատարել նաև ստորև ներկայացված հաշվարկներում առկա սոցիալական վճարի դաշտի հաշվարկման մեջ
 - ✓ Եկամտային հարկի և սոցիալական վճարի ամսական հաշվարկ
 - ✓ Եկամտային հարկի և սոցիալական վճարի ամսական պարզեցված հաշվարկ

2. Բացառություններ

Վերը նշված բոլոր գործառույթները չեն վերաբերվում ՀՀ ՊԵԿ մաքսային ծառայությանը և ընդգրկում են միայն հարկային ծառայության էլեկտրոնային համակարգերը և կապուղիները:

3. ԻՐԱՎԱԿԱՆ ՊԱՅՄԱՆՆԵՐ

- Պայմանագրով մատուցված ծառայությունների արդյունքները հանդիսանում են պատվիրատուի սեփականությունը: Պատվիրատուն իրավունք ունի օգտագործել, հրատարակել, փոխանցել, տեղափոխել դրանք իր հայեցողությամբ, առանց որևէ սահմանափակման՝ չխախտելով հեղինակների անձնական ոչ գույքային իրավունքները:
- Կատարողը պատվիրատուին է տրամադրում համակարգերի փոփոխությունների ծրագրային ապահովմանն առնչվող ամբողջ նյութերը (ծրագրային կոդեր, տվյալների շտեմարանի և այլ կիրառական ծրագրերի տեղակայման սցենարներ, կիրառական ծրագրեր, գրադարաններ, ֆայլեր, փաթեթներ և այլ ծրագրային ապահովումներ, որոնք հարկավոր են համակարգի բնականոն աշխատանքի և նոր ապարատային ապահովման վրա համակարգի ներդրման, կոնֆիգուրացման, շահագործման համար, համակարգերի ներդրումը նկարագրող մանրամասն փաստաթուղթ, որտեղ հնուտ մասնագետների համար հասկանալի ձևով նշված կլինեն համակարգերի ներդրման համար անհրաժեշտ ծրագրային ապահովումները, կիրառական սերվերները, գրադարանները,

դրանց տարբերակները, ներդրման քայլերի հաջորդականությունը և այլն, համակարգերը նկարագրող տեխնիկական փաստաթղթերը) և այլ փաստաթղթերը:

- Կատարողը պատվիրատուին ներկայացնում և երաշխավորում է, որ:
 1. Պատվիրատուին տրված ծրագրային ապահովման կողը և փաստաթղթերը ամբողջական են, պատշաճ կերպով կազմված և ճշգրիտ պատճեն են ծրագրային ապահովման վերջնական ընդունման ժամանակահատվածում շահագործվող ծրագրային ապահովման տարբերակի:
 2. Ցանկացած լրամշակումից հետո 30 օրվա ընթացքում Կատարողը պատվիրատուին կտրամադրի փոփոխված ծրագրային կողը, ինչպես նաև համապատասխան փաստաթղթերը, որոնք նույնպես պետք է լինեն ամբողջական, պատշաճ կերպով կազմված և համապատասխանեն լրամշակված ծրագրային ապահովման գործող տարբերակին:
 3. Ծրագրային կողը կպարունակի ողջ տեղեկատվությունը՝ ընթեռնելի տարբերակով այնպես, որ ծրագրավորողը կամ վերլուծաբանը կարողանա պահպանել և բարելավել ծրագրային ապահովումը: Ծրագրային կողը և համապատասխան փաստաթղթերը պետք է պարունակեն ծրագրավորողի բոլոր մեկնաբանությունները, տեղեկատվության մոդելները, գործընթացների հերթագայության սխեմաները և այլն:

4. ԼՐԱՑՈՒՑԻՉ ՊԱՅՄԱՆՆԵՐ

1. Կատարողը պարտավորվում է չբացահայտել ծառայությունների մատուցման ժամանակ նրան հասանելի դարձած տեղեկատվությունը: Տեղեկատվության չբացահայտման վերաբերյալ ՀՀ ՊԵԿ-ի կողմից կատարողի հետ կնքվելու է երկկողմանի պայմանագիր:2.
2. Վերը նշված բոլոր գործառույթները չեն վերաբերվում ՀՀ ՊԵԿ մաքսային ծառայությանը և ընդգրկում են միայն հարկային ծառայության էլեկտրոնային համակարգերը և կապուղիները:

Ծառայության մատուցման ժամկետը

Ծառայության մատուցումը իրականացվում է այդ նպատակով համապատասխան ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման հիման վրա և համաձայնագրի ուժի մեջ մտնելու օրվանից հաշված 70 օրացույցային օրվա ընթացքում:

Գնման գործընթացը կազմակերպվել է «Գնումների մասին ՀՀ օրենքի» 15-րդ հոդվածի 6-րդ կետի հիման վրա:

Պ Ա Տ Վ Ի Ր Ա Տ ՈՒ

ՀՀ պետական եկամուտների կոմիտե
ք.Երևան, Մովսես Խորենացու 3,7
ՀՀ ՖՆ աշխատակազմի
գործառնական վարչություն
900011054013
02647057
ՀՀ ՊԵԿ գլխավոր քարտուղար՝



Կ Ա Տ Ա Ր ՈՂ

«Այլունեթվորք» ՍՊԸ
ք. Երևան, Պուշկինի 38/1, 55շ.
«Կոնվերս բանկ» ՓԲԸ
1930042785480100
02588485
«Այլունեթվորք» ՍՊԸ-ի տնօրեն՝



Պայմանագրի կողմ

 գտնվելու վայրը _____
 հհ _____
 հվհհ _____

Պատվիրատու

 գտնվելու վայրը _____
 հհ _____
 հվհհ _____

**ԱՐՁԱՆԱԳՐՈՒԹՅՈՒՆ N
 ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
 ՀԱՆՁՆՄԱՆ-ԸՆԴՈՒՆՄԱՆ**

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ « » « » 20 թ. դուրս գրված N ____ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	անվանումը	տեխնիկական բնութագրի համառոտ շարադրանքը	Մատուցված ծառայությունների				Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			քանակական ցուցանիշը		կատարման ժամկետը			
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

 ստորագրություն

 ազգանուն, անուն
 Կ.Տ.

Ծառայությունն ընդունեց

 ստորագրություն

 ազգանուն, անուն
 Կ.Տ.

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը

գնման պայմանագրի շրջանակներում Կատարողը 20 թ. _____-ին հանձնման-ընդունման
նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն